

**Acta da sesión ordinaria da Xunta de Goberno
correspondente ao día 23 de xaneiro de 2023**

Con data vinte e tres de xaneiro do ano dous mil vinte e tres, ás dez horas, reúnese a Xunta de Goberno da Deputación na Sala de Xuntas do Pazo Provincial, co fin de realizar sesión ordinaria en primeira convocatoria e tratar nela os asuntos que figuraban na orde do día, coa asistencia dos seguintes deputados e deputadas:

Presidente:

D. Rosendo Luis Fernández Fernández

Deputados/as:

D. Jorge Pumar Tesouro

D. Plácido Álvarez Dobaño

D.^a Ana María Villarino Pardo

D. Pablo Pérez Pérez

D. César Manuel Fernández Gil

D.^a Ana Patricia Torres Madureira

D.^a Luz Doporto Real

Secretario:

D. Adamantino Barreiro García

Interventora:

D.^a Mónica Legaspi Díaz

Non asiste á sesión o presidente don José Manuel Baltar Blanco, que escusa a súa ausencia.

Iníciase o tratamento dos asuntos incluídos na orde do día, do modo que se reflicte a continuación:

1.- APROBACIÓN DA ACTA DA SESIÓN ANTERIOR CORRESPONDENTE Á ORDINARIA DO DÍA 16 DE XANEIRO DE 2023.- A Secretaría Xeral deu traslado do borrador da acta anterior, correspondente á ordinaria do día 16 de xaneiro de 2023.

Non se producen intervencións, polo que a **Xunta de Goberno**, por unanimidade,

adopta o seguinte **acordo**:

- Aprobar a acta da sesión ordinaria do día 16 de xaneiro de 2023, conforme co borrador elaborado pola Secretaría Xeral.

2.- SUBVENCIÓN A FAVOR DO CLUB OURENSE BALONCESTO SAD PARA FOMENTO DO DEPORTE: GASTOS DE FUNCIONAMENTO E MANTEMENTO DA ENTIDADE CORRESPONDENTES Á TEMPADA 2022-2023.- De conformidade coa proposta favorable da Presidencia, a Xunta de Goberno, por unanimidade, adoptou o seguinte acordo:

Aprobar unha subvención a favor do Club Ourense Baloncesto SAD nos seguintes termos:

-Importe: 250.000,00 €.

-Obxecto: Fomento do deporte: gastos de funcionamento e mantemento da entidade correspondentes á tempada 2022-2023.

-Xustificación: a subvención xustificárase mediante a presentación da conta xustificativa, todo isto de conformidade co que dispoñen os artigos 30 e 31 da Lei xeral de subvencións e o artigo 72 do Regulamento da antedita lei, á que se lle unirán os orixinais das facturas ou dos correspondentes documentos de valor probatorio equivalente, balance da entidade e conta de perdas e ganancias, correspondentes aos anos 2021 e 2022, e as certificacións de estar ao día no cumprimento das obrigacións tributarias coa Facenda Estatal, Autonómica de Galicia e coa Seguridade Social.

Así mesmo, deberá achegar, xunto coa documentación establecida no parágrafo anterior, declaración responsable sobre a natureza do IVE, segundo o modelo dispoñible na páxina web da Sección de Subvencións da Deputación Provincial de Ourense <https://www.depourense.gal/index.php/seccion-de-subvencions>

De conformidade co artigo 15.1 b) da Ordenanza xeral de subvencións da Deputación Provincial de Ourense, para considerar xustificada a subvención deberá acreditarse a realización dun investimento por unha contía igual ou superior ao importe da subvención concedida (250.000,00 euros). No suposto en que só se xustifique unha contía inferior, a subvención reducirase proporcionalmente, agás nos seguintes supostos, nos que procederá a perda total do dereito á subvención:

a) Que a redución supoña o total incumprimento da finalidade da subvención.

b) Que a redución do orzamento da actuación executada con respecto ao presentado coa solicitude sexa tal que, de ser tida en conta na valoración efectuada para a concesión, tivese dado lugar á denegación da subvención.

Igualmente, non se considerará xustificada unha subvención cando, aínda manténdose a contía de gasto prevista, se producisen cambios ou modificacións de carácter substancial no proxecto, entendendo por tales aqueles que, de ter sido contemplados na solicitude, terían dado lugar a unha valoración inferior do proxecto, ou aqueles que consistan na realización dunha actividade esencialmente distinta á proxectada.

Naqueles casos nos que as modificacións só afecten a parte do proxecto, a subvención poderá considerarse parcialmente xustificada na parte non afectada, declarándose a perda do dereito á subvención correspondente ao resto.

En todo caso, cando a contía do gasto xustificado sexa inferior ao 25% do orzamento presentado coa solicitude de subvención, esta entenderase automaticamente como non xustificada, dando lugar ao reintegro ou perda total do dereito á subvención.

Poderán realizarse pagamentos a conta, previa solicitude do interesado, que consistirán na realización de pagos fraccionados que responderán ao ritmo de execución das accións subvencionadas, aboándose por contía equivalente á xustificación presentada. Para a realización dos pagamentos a conta, deberán presentarse as facturas e xustificantes correspondentes. En todo caso, a realización destes pagamentos non implica unha declaración definitiva como xustificado do gasto correspondente, nin exime da necesidade de presentar a conta xustificativa completa ao remate da execución do proxecto. En consecuencia, no caso de que a subvención non se estimase xustificada no trámite final, a Deputación poderá esixir o reintegro das cantidades aboadas a conta, de concorrer causa legal conforme ao artigo 37 da Lei xeral de subvencións.

De acordo co establecido no artigo 16 da Ordenanza Xeral de Subvencións, as subvencións, como regra xeral, serán aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

Sen prexuízo do anterior, poderán realizarse pagos anticipados, a instancia dos interesados, suxeitos á constitución de garantía, segundo o establecido no dito artigo 16 da Ordenanza xeral de subvencións e coas excepcións correspondentes, por importe do 100% do anticipo solicitado.

Ao abeiro do establecido no artigo 31.2 da Lei xeral de subvencións, considerarase como gasto efectivamente realizado aquel cuxa obriga de pago fose contraída antes do vencemento do prazo de xustificación da subvención. En consecuencia, non será preciso acreditar a realización do pago na conta xustificativa. Non obstante o anterior, e no exercicio das súas facultades de control financeiro, a Intervención poderá realizar procedementos simplificados de control financeiro, consistentes en esixir, a partir do mes seguinte ao do pago da subvención, a acreditación do pago da totalidade dos gastos incluídos na conta xustificativa. O incumprimento desta obriga dará lugar á obriga de reintegro por parte do beneficiario, así como á imposición das sancións que procedan.

-Prazo xustificación: ata o 31 de xullo de 2023.

O dito prazo terá como regra xeral carácter improrrogable, agás causa de forza maior debidamente acreditada pola entidade interesada, que en todo caso deberá solicitar a oportuna prórroga antes de finalizar o prazo de xustificación establecido no acordo de resolución.

3.- SUBVENCIÓN A FAVOR DO CONCELLO DE MONTERREI PARA VEHÍCULO ELÉCTRICO, CORRESPONDENTE AO ANO 2022.- De conformidade coa proposta favorable da Presidencia, a Xunta de Goberno, por unanimidade, adoptou o seguinte acordo:

Aprobar unha subvención a favor do Concello de Monterrei nos seguintes termos:

-Importe: 7.747,77 euros.

-Obxecto: vehículo eléctrico, correspondente ao ano 2022.

-Xustificación: A subvención xustificárase mediante a presentación de certificado expedido pola persoa que teña ao seu cargo o desempeño das funcións de intervención do concello beneficiario, no que se acrediten respecto da actuación subvencionada, os seguintes extremos:

- 1.- Que se cumpriu a finalidade para a que foi concedida a subvención.
- 2.- Que a xustificación da subvención concedida se refire ao mesmo proxecto que serviu de base para a concesión da subvención, indicando, de ser o caso, se houbo algunha variación con respecto ao proxecto inicial.
- 3.- Que a xustificación da subvención de referencia, acada o importe do orzamento presentado para a concesión da subvención (32.800,00 euros) indicando, en caso contrario, a porcentaxe que supón.
- 4.- Que os documentos xustificativos do gasto foron aprobados polo órgano competente.
- 5.- Que a entidade local se atope ao corrente das súas obrigas tributarias coa Facenda Estatal,

Autonómica e coa Seguridade Social.

6.- Relación das subvencións concedidas á entidade local beneficiaria para a mesma finalidade, indicando o seu importe e os conceptos subvencionados.

7.- Que se cumpriu coa normativa aplicable en materia de contratos do sector público, en particular, coa lei 9/2017, de 8 de novembro, de Contratos do Sector Público.

Poderán realizarse pagamentos a conta, previa solicitude do interesado, que consistirán na realización de pagos fraccionados que responderán ao ritmo de execución das accións subvencionadas, aboándose por contía equivalente á xustificación presentada. Para a realización dos pagamentos a conta, deberán presentarse os xustificantes correspondentes. En todo caso, a realización destes pagamentos non implica unha declaración definitiva como xustificado do gasto correspondente, nin exime da necesidade de presentar a conta xustificativa completa ao remate da execución do proxecto. En consecuencia, no caso de que a subvención non se estimase xustificada no trámite final, a Deputación poderá esixir o reintegro das cantidades aboadas a conta, de concorrer causa legal conforme ao artigo 37 da Lei xeral de subvencións.

Sen prexuízo do anterior, poderán realizarse pagos anticipados, a instancia dos interesados, suxeitos á constitución de garantía, segundo o establecido no dito artigo 16 da Ordenanza xeral de subvencións e coas excepcións correspondentes, por importe do 100% do anticipo solicitado. Non obstante o anterior, estarán exentos de prestación de garantías as entidades locais, agás no suposto de que no momento da solicitude do anticipo, teñan débedas líquidas, vencidas e esixibles pendentes de pago coa Deputación por un importe que supere o 10% dos recursos ordinarios do orzamento da entidade solicitante, nestes supostos as entidades locais deberán acompañar certificación expedida polo funcionario encargado da intervención, expresiva do importe dos recursos ordinarios do último exercicio liquidado da entidade.

De acordo co establecido no artigo 16 da Ordenanza xeral de subvencións, as subvencións, como regra xeral, seranlle aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

-Prazo xustificación: ata o 31 de xullo de 2023.

O dito prazo terá como regra xeral carácter improrrogable, agás causa de forza maior debidamente acreditada pola entidade interesada, que en todo caso deberá solicitar a oportuna

prórroga antes de finalizar o prazo de xustificación establecido no acordo de resolución.

4.- SUBVENCIÓN A FAVOR DO CONCELLO DE RAIRIZ DE VEIGA PARA MANTEMENTO DE PARQUES E XARDÍNS.

- De conformidade coa proposta favorable da Presidencia, a Xunta de Goberno, por unanimidade, adoptou o seguinte acordo:

Aprobar unha subvención a favor do Concello de Rairiz de Veiga nos seguintes termos:

-Obxecto: Mantemento de parques e xardíns.

-Importe da subvención que se consignou no expediente nº 1/2022 de modificación das bases de execución e do orzamento do ano 2022: 47.000,00 euros.

-Orzamento de gastos presentado polo solicitante: 46.999,99 euros.

-Importe que procede reducir en base ao orzamento presentado: 0,01 euros.

-Importe que procede conceder: 46.999,99 euros.

-Xustificación: A subvención xustificárase mediante a presentación de certificado expedido pola persoa que teña ao seu cargo o desempeño das funcións de intervención do concello beneficiario, no que se acrediten respecto da actuación subvencionada, os seguintes extremos:

- 1.- Que se cumpriu a finalidade para a que foi concedida a subvención.
- 2.- Que a xustificación da subvención concedida se refire ao mesmo proxecto que serviu de base para a concesión da subvención, indicando, de ser o caso, se houbo algunha variación con respecto ao proxecto inicial.
- 3.- Que a xustificación da subvención de referencia, acada o importe do orzamento presentado para a concesión da subvención (46.999,99 euros) indicando, en caso contrario, a porcentaxe que supón.
- 4.- Que os documentos xustificativos do gasto foron aprobados polo órgano competente.
- 5.- Que a entidade local se atope ao corrente das súas obrigas tributarias coa Facenda Estatal, Autonómica e coa Seguridade Social.
- 6.- Relación das subvencións concedidas á entidade local beneficiaria para a mesma finalidade, indicando o seu importe e os conceptos subvencionados.
- 7.- Que se cumpriu coa normativa aplicable en materia de contratos do sector público, en particular, coa lei 9/2017, de 8 de novembro, de Contratos do Sector Público.

Poderán realizarse pagamentos a conta, previa solicitude do interesado, que consistirán na realización de pagos fraccionados que responderán ao ritmo de execución das accións

subvencionadas, aboándose por contía equivalente á xustificación presentada. Para a realización dos pagamentos a conta, deberán presentarse os xustificantes correspondentes. En todo caso, a realización destes pagamentos non implica unha declaración definitiva como xustificado do gasto correspondente, nin exime da necesidade de presentar a conta xustificativa completa ao remate da execución do proxecto. En consecuencia, no caso de que a subvención non se estimase xustificada no trámite final, a Deputación poderá esixir o reintegro das cantidades aboadas a conta, de concorrer causa legal conforme ao artigo 37 da Lei xeral de subvencións.

Sen prexuízo do anterior, poderán realizarse pagos anticipados, a instancia dos interesados, suxeitos á constitución de garantía, segundo o establecido no dito artigo 16 da Ordenanza xeral de subvencións e coas excepcións correspondentes, por importe do 100% do anticipo solicitado. Non obstante o anterior, estarán exentos de prestación de garantías as entidades locais, agás no suposto de que no momento da solicitude do anticipo, teñan débedas líquidas, vencidas e esixibles pendentes de pago coa Deputación por un importe que supere o 10% dos recursos ordinarios do orzamento da entidade solicitante, nestes supostos as entidades locais deberán acompañar certificación expedida polo funcionario encargado da intervención, expresiva do importe dos recursos ordinarios do último exercicio liquidado da entidade.

De acordo co establecido no artigo 16 da Ordenanza xeral de subvencións, as subvencións, como regra xeral, seranlle aboadas ao beneficiario unha vez xustificadas, no prazo máximo de trinta días naturais dende que se dite o acto administrativo no que se teña por xustificada a subvención.

-Prazo xustificación: ata o 30 de marzo de 2023.

O dito prazo terá como regra xeral carácter improrrogable, agás causa de forza maior debidamente acreditada pola entidade interesada, que en todo caso deberá solicitar a oportuna prórroga antes de finalizar o prazo de xustificación establecido no acordo de resolución.

5.- ASUNTOS DE URXENCIA.- Non se suscitaron.

6.- COMUNICACIÓNS DA PRESIDENCIA.- O presidente en funcións da Xunta de Goberno da conta da seguinte proposta de colaboración intermunicipal:

A Deputación de Ourense ten na súa propia natureza a colaboración interadministrativa. Como o concello dos concellos, a administración provincial implementou nestes dous séculos de historia incontables **iniciativas e proxectos destinados á cooperación**

municipal, enfocados na resposta ás necesidades -puntuais ou estruturais- dos municipios e os veciños ourensáns e a seguir afondando na mellora dos servizos públicos a través de medidas innovadoras e, en moitos casos, pioneiras en Galicia no ámbito provincial.

Nesta liña, cómpre salientar proxectos estratéxicos desenvolvidos nos últimos anos como o **blindaxe do mapa de emerxencias** ou o reforzo dos servizos provinciais de xestión de residuos e do ciclo da auga. En paralelo, esta Deputación tense distinguido polo seu **músculo para atender dun xeito eficaz emerxencias** derivadas da seca, as feridas sociais causadas polas crises económicas -ou mesmo a guerra de Ucraína-, a neve, o mantemento de vías de titularidade municipal ou os incendios forestais. Esta última cuestión, unha problemática na que, pese a exceder as competencias da administración provincial, a Deputación colabora dun xeito directo con maquinaria e toda a súa capacidade loxística, ademais de cooperar coa Consellería de Medio Rural realizando traballos preventivos nos montes ourensáns.

Esta probada capacidade de anticipación e resposta sobresaíu especialmente no peor da **pandemia, cando esta administración foi quen de implantar medidas para protexer aos veciños ourensáns e facilitar o día a día dos gobernos municipais**, nunha labor de fondo que segue hoxe co deseño, captación e execución de programas financiados con fondos europeos de recuperación.

Neste inverno, numerosos concellos ourensáns teñen sufrido situacións de emerxencia causadas polas fortes choivas caídas nos últimos meses. Aínda que grazas ás actuacións dos equipos de emerxencia, incluídos os da Deputación de Ourense -que conta cunha brigada específica para estas situacións-, non temos que lamentar vítimas, as riadas, inundacións e desprendementos provocaron importantes danos en infraestruturas municipais como estradas, camiños, redes de subministro de auga, alumeadado público ou zonas de ocio, deportivas, educativas ou técnicas.

Ante esta realidade, a Deputación de Ourense propón unha **serie de actuacións englobadas no Plan EmergOU, iniciativa enfocada a seguir avanzando na resposta das necesidades dos concellos afectados polas riadas, inundacións e desprendementos** causadas polas choivas destes últimos meses. Unhas iniciativas deseñadas a partir das liñas de traballo cooperativo implementadas nestes dous séculos de historia da administración provincial, impulsadas polo **compromiso referendado día a día de colaborar cos gobernos**

loais a nivel económico, xurídico e técnico, e que seguirá avanzando no Plan de Mandato 2023-2027.

>Activación do Plan EmergOU: esta iniciativa engloba iniciativas a través das que se canaliza a resposta da administración provincial a situacións de emerxencias e catástrofes. Respostas que xa se estaban realizando, con axudas directas aos concellos solicitantes destas axudas, e que a través desta nova ferramenta poderán ser canalizadas dun xeito aínda máis áxil e eficaz.

O Plan EmergOU suma, de comezo, estas medidas:

***Poñer toda a maquinaria e persoal necesario da Deputación de Ourense a disposición das comarcas afectadas** polas crecidas dos ríos para levar a cabo achiques de auga ou calquera outra actuación de reparación de danos urxentes en instalacións de especial sensibilidade para os veciños.

***Poñer os equipos técnicos e xurídicos da Deputación a disposición dos concellos** para valorar os danos sufridos e para posibles solicitudes de zonas catastróficas e outras axudas públicas

***Crear un comité de traballo para o desenvolvemento dun plan de infraestruturas e medidas técnicas**, co fin de mitigar efectos futuros destes episodios de emerxencias.

***Crear un fondo financeiro que instrumentalice a atención a danos provocados por situacións de emerxencias e catástrofes.** Este fondo permitirá habilitar unha liña de axudas extraordinarias que atenda as reparacións de infraestruturas e de instalacións de especial sensibilización para a cidadanía nos concellos ourensáns.

7.- ROGOS E PREGUNTAS.- Non se formularon.

E, ás dez horas e sete minutos do referenciado día vinte e tres de xaneiro do ano dous mil vinte e tres, a Presidencia dá por rematada a sesión da Xunta de Goberno, e redáctase esta acta, que se asinará electronicamente.

